

Na osnovu člana 10. Statuta Općine Centar Sarajevo-Prečišćen tekst ("Službene novine Kantona Sarajevo", broj 23/04), te člana 24. Pravila mjesne zajednice-Prečišćeni tekst ("Službene novine Kantona Sarajevo", br. 5/06 i 18/09), Općinsko vijeće Centar Sarajevo je, na 14. redovnoj sjednici održanoj dana 27.07.2017. godine, donijelo

**ODLUKU
O RASPISIVANJU IZBORA ZA SAVJETE MJESNIH ZAJEDNICA NA PODRUČJU OPĆINE
CENTAR**

Član 1.

- (1) Raspisuju se izbori za Savjete mjesnih zajednica u Općini Centar Sarajevo.
- (2) Datum i vrijeme održavanja izbora utvrdit će Izborna komisija, s tim da se izbori moraju održati najkasnije do 02.10.2017.godone.

Član 2.

Izbore za članove savjeta mjesnih zajednica organizira i provodi Izborna komisija koju čine:

Zvonko Mijan-predsjednik;
Naser Čopelj-član;
Biljana Pušonja-član;
Adil Katica-član;
Merima Brdarić-član;
Maja Hadžihalilović-član;
Snežana Boljanić-član;
Sonja Akšamija-član;
Admir Bukva-član;
Azra Brutus-član;
Avdija Numanović-član;
Aida Skalonja-administrativni sekretar.

Član 3.

- (1) Izbori za savjete mjesnih zajednice održavaju se po odredbama Izbornog zakona Bosne i Hercegovine i Pravilima mjesne zajednice u skladu sa Odlukom o osnivanju i organizaciji mjesnih zajednica na području Općine Centar Sarajevo.
- (2) Izborna komisija donosi akte za provođenje izbora, izrađuje obrasce i glasačke listiće.

Član 4.

- (1) Izborna komisija ima prvostepenu nadležnost za odlučivanje o svim pitanjima zaštite izbornog prava i može ukoliko ustanovi bitne nepravilnosti poništiti izbore za određeno biračko mjesto.
- (2) Na rješenja Izborne komisije može se izjaviti žalba Drugostepenom organu za žalbe Općinskog vijeća koji ima drugostepenu nadležnost i koji će u ovom postupku rješavati po ad hoc principu primjenjujući odredbe Izbornog zakona Bosne i Hercegovine. Nakon provedene procedure Općinsko vijeće u ovom postupku može poništiti izbore u određenoj mjesnoj zajednici.
- (3) U zaštiti izbornih prava primjenjuju se rokovi, kriteriji i procedure utvrđene Izbornim zakonom Bosne i Hercegovine.

Član 5.

- (1) Izborna komisija utvrđuje izborne rezultate izbora za članove Savjeta mjesne zajednice i sačinjava Izvještaj koji dostavlja Općinskom vijeću u roku od sedam dana od dana održavanja izbora.
- (2) Općinsko vijeće verifikuje rezultate izbora.

Član 6.

Članovima komisije koji nisu članovi OIK-a isplaćivat će se naknada za rad u ovoj komisiji u iznosu koji se isplaćuje članovima OIK-a van izbornog perioda.

Član 7.

Danom donošenja ove odluke, stavlja se izvan snage Odluka o raspisivanju izbora za savjete mjesnih zajednica na području općine Centar, broj:01-49-1391/17 od 30.05.2017. godine.

Član 8.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj:01-49-1850/17

Sarajevo, 27.07.2017.godine



Ova Odluka je objavljena na oglasnoj ploči Općine Centar Sarajevo dana **07.8** .2017. godine.